

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), a u vezi sa članovima 37. stav (3) i 45. stav (1) Zakona o izvršavanju Budžeta Zeničko-dobojskog kantona za 2017. godinu ("Službene novine Zeničko-dobojskog kantona", broj: 15/16), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona na 91. sjednici, održanoj 23.03.2017. godine, donosi

## **ZAKLJUČAK**

**o usvajanju Programa utroška sredstava za uređenje poljoprivrednog zemljišta u 2017. godini, u razdjelu 23, budžetske organizacije 01, potrošačka jedinica 0001, ekonomski kod 614 400, NAD 404, pozicija "Finansiranje projekata iz sredstava za pretvaranje poljoprivrednog zemljišta u nepoljoprivredno zemljište" Budžeta Zeničko-dobojskog kantona za 2017. godinu**

### **I.**

Usvaja se Program utroška sredstava za uređenje poljoprivrednog zemljišta u 2017. godini, u razdjelu 23, budžetske organizacije 01, potrošačka jedinica 0001, Budžeta Zeničko-dobojskog kantona za 2017. godinu ("Službene novine Zeničko-dobojskog kantona", broj: 15/16) ekonomski kod 614400, NAD 404, pozicija "Finansiranje projekata iz sredstava za pretvaranje poljoprivrednog zemljišta u nepoljoprivredno zemljište" u iznosu 1.000.000,00 KM (slovima: jedanmilijon konvertibilnih maraka) i čini sastavni dio ovog zaključka.

### **II.**

Sredstva planirana ovim Programom utroška sredstava za uređenje poljoprivrednog zemljišta, realizovat će se u skladu sa stanjem na depozitnom računu Zeničko-dobojskog kantona broj 1340100000001672, vrsta prihoda 722422.#

### **III.**

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija Zeničko-dobojskog kantona, svako u okviru svoje nadležnosti.

### **IV.**

Zaključak stupa na snagu danom donošenja.

Broj: 02-\_\_\_\_\_/17.

Datum, 23.03.2017. godine

Zenica

**PREMIJER**

*Miralem Galijašević*

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x a/a.

## **PROGRAM**

### **utroška sredstava za uređenje poljoprivrednog zemljišta za 2017. godinu**

#### **Podaci o Programu**

- 1. Program je usvojen:** Na 91. sjednici Vlade Zeničko-dobojskog kantona održanoj dana 23.03.2017. godine
- 2. Period realizacije Programa:** 2017. godina
- 3. Ukupna vrijednost Programa:** 1.000.000,00 KM
- 4. Namjena i svrha Programa:** Uređenje poljoprivrednog zemljišta sa ciljem povećanja plodnosti zemljišta primjenom mjera kojima se poboljšavaju fizičke, hemijske i biološke osobine poljoprivrednog zemljišta. Povećanje proizvodne sposobnosti i unapređenje gospodarenja poljoprivrednim zemljištem.
- 5. Korisnici Programa:** Fizička i pravna lica čije je prebivalište ili sjedište i zemljište na području Zeničko-dobojskog kantona.
- 6. Izvori sredstava:** Namjenska sredstva u Budžetu Zeničko – dobojskog kantona za 2017. godinu pozicija Finansiranje projekata iz sredstava za pretvaranje poljoprivrednog zemljišta u nepoljoprivredno zemljište, a koja se nalaze u razdjelu 23, budžetske organizacije 01, potrošačka jedinica 0001, ekonomski kod 614 400, NAD 404. Na osnovu Zakona o izvršenju budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16)
- 7. Odgovorna osoba:** Ministar Himzo Smajić

## **I. UVOD**

Svakodnevno se iz poljoprivrede oduzimaju hektari obradivog poljoprivrednog zemljišta za izgradnju naselja, industrijskih objekata, saobraćajnica, eksploataciju mineralnih sirovina ili izvođenje drugih radova kojima se trajno onemogućava upotreba tog zemljišta za poljoprivrednu proizvodnju.

Zakonom o poljoprivrednom zemljištu ( „Službene novine Federacije BiH“, broj: 52/09 ) utvrđuju se definicije, osnovna načela i upravljanje, zaštita, korištenje i uređenje, raspolaganje, evidencije i ostala pitanja koja se odnose na poljoprivredno zemljište. Poljoprivredno zemljište Zakon definiše kao prirodno bogatstvo i dobro od opšteg interesa koje uživa posebnu zaštitu i koristi se za poljoprivrednu proizvodnju i ne može se koristiti za druge svrhe osim u slučajevima i pod uslovima utvrđenim ovim Zakonom. Promjena namjene poljoprivrednog zemljišta provodi se u skladu sa planovima prostornog uređenja i aktima određenim navedenim Zakonom. Poljoprivredno zemljište može se koristiti u nepoljoprivredne svrhe samo uz saglasnost kantonalnog ministarstva i nakon uplate naknade propisane Zakonom o poljoprivrednom zemljištu.

## **II. IZVOR SREDSTAVA ZA REALIZACIJU PROGRAMA**

Ministarstvo za poljoprivredu, šumarstvo i vodoprivredu Zeničko-dobojskog kantona ostvaruje provođenje važećeg Zakona o poljoprivrednom zemljištu na način da u postupku legalne gradnje kao nadležan organ, izdaje poljoprivrednu saglasnost za promjenu namjene poljoprivrednog zemljišta kojom određuje visinu naknade. Propisana naknada uplaćuje se na poseban račun utvrđen za ove namjene, depozitni račun Zeničko-dobojskog kantona broj: 1340100000001672, vrsta prihoda 722422, budžetska organizacija 23010001.

Budžetom Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16), ekonomski kod: 614400, NAD 404, pozicija: finansiranje projekata iz sredstava za pretvaranje poljoprivrednog zemljišta u nepoljoprivredno zemljište, planiran je utrošak sredstava za uređenje poljoprivrednog zemljišta u iznosu od 1.000.000,00 KM.

Ministarstvo finansija Zeničko-dobojskog kantona kao nadležni organ, vodi evidenciju pojedinačnih platnih naloga za ovu vrstu prihoda, mjesečno izvještava Ministarstvo za poljoprivredu, šumarstvo i vodoprivredu Zeničko-dobojskog kantona o naplaćenim naknadama za korištenje poljoprivrednog zemljišta u nepoljoprivredne svrhe i o ukupnom prilivu sredstava u tekućoj godini, a na kraju godine dostavlja izvještaj o ukupnom stanju na računu. Ministarstvo za poljoprivredu, šumarstvo i vodoprivredu Zeničko-dobojskog kantona na osnovu dostavljenih podataka vodi evidenciju o realizaciji naplate naknade po izdatim saglasnostima za promjenu namjene poljoprivrednog zemljišta.

Na osnovu stanja na računu Ministarstvo za poljoprivredu, šumarstvo i vodoprivredu Zeničko-dobojskog kantona planira korištenje istih za provođenje mjera uređenja poljoprivrednog zemljišta s ciljem povećanja plodnosti i proizvodne sposobnosti poljoprivrednog zemljišta primjenom mjera kojima se popravljaju fizičke, hemijske i biološke osobine poljoprivrednog zemljišta. Članom 7. Odluke o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj: 5/15) propisano je da su korisnici sredstava za uređenje dužni izvršiti uplatu naknade za rad komisije koja vrši ocjenu uređenja poljoprivrednog zemljišta i ista se uplaćuje na depozitni račun Zeničko-dobojskog kantona.

## **II. NAMJENA SREDSTAVA**

Zakonom o poljoprivrednom zemljištu ( „Službene novine Federacije BiH“, broj: 52/09 ) utvrđeno je da se sredstva od naknada koriste u slijedeće svrhe:

1. izradu osnova, programa i projekata zaštite, korištenja i uređenja poljoprivrednog zemljišta,
2. provođenje mjera zaštite, korištenja i uređenja poljoprivrednog zemljišta i za inundaciona područja,
3. uspostavu informacionog sistema za zemljište,
4. zemljišni monitoring,
5. izradu karte upotrebne vrijednosti zemljišta,
6. izradu projekata višenamjenskog vrednovanja,
7. realizaciju poslova utvrđenih Strategijom i Programom gospodarenja,
8. dekontaminaciju zemljišta i podizanje zaštitnih pojaseva u neposrednoj blizini putnih komunikacija.

Korištenje sredstava za provođenje mjera zaštite, korištenja i uređenja poljoprivrednog zemljišta uređeno je Odlukom o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj: 5/15). Sredstva će se odobravati za agrotehničke i hidrotehničke mjere na poljoprivrednom zemljištu. Osim zakonom utvrđene namjene utroška sredstava, svrha ovog Programa je da se nastave započeti i otvore novi procesi u poticanju razvoja poljoprivredne proizvodnje na području Zeničko-dobojskog kantona.

Ulaganjem u uređenje poljoprivrednog zemljišta potičemo:

- namjensko korištenje poljoprivrednog zemljišta,
- povećanje površina obradivog poljoprivrednog zemljišta,
- smanjenje površina neobrađenog poljoprivrednog zemljišta,
- uređenje zapuštenog poljoprivrednog zemljišta koje je zakorovljeno i obraslo samoniklim drvenastim rastinjem,
- poboljšanje vodno-vazdušnog režima kao i fizičkih, hemijskih i bioloških osobina zemljišta,
- sprečavanje erozije na poljoprivrednom zemljištu,
- uvećanje proizvodne sposobnosti zemljišta,
- uvećanje obima i kvaliteta poljoprivredne proizvodnje,
- smanjenje troškova pokretanja poljoprivredne proizvodnje,
- uvećanje ekonomskih rezultata za poljoprivredne proizvođače.

Realizacijom nabrojanih mjera doprinosimo strategiji gospodarenja poljoprivrednim zemljištem kao osnovnim resursom u poljoprivrednoj proizvodnji, odnosno unapređenju poslovnog ambijenta za poljoprivrednu proizvodnju na području Zeničko-dobojskog kantona.

### **PREGLED PLANA UTROŠKA NAMJENSKIH SREDSTAVA ZA 2017. godinu**

<b>R/b</b>	<b>Vrsta sredstava</b>	<b>Rok za realizaciju aktivnosti</b>	<b>Iznos planiranih sredstava (KM)</b>
<b>1.</b>	Namjenska sredstva		1.000.000,00
<b>1.1.</b>	Provođenje mjera zaštite, korištenja i uređenja poljoprivrednog zemljišta	31.12.2017.	1.000.000,00
<b>UKUPNO</b>			<b>1.000.000,00</b>

Na osnovu Odluke o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj: 5/15) i Programa utroška sredstava za uređenje poljoprivrednog zemljišta u 2017. godini Ministarstvo za poljoprivredu, šumarstvo i vodoprivredu Zeničko-dobojskog kantona izradit će Uputstvo o korištenju sredstava za uređenje poljoprivrednog zemljišta prikupljenih od naknada za promjenu namjene poljoprivrednog zemljišta, a nakon toga će objaviti Javni poziv za prikupljanje zahtjeva za ostvarenje prava na korištenje sredstava za uređenje poljoprivrednog zemljišta.

#### **IV. KRITERIJI ZA KORIŠTENJE SREDSTAVA ZA UREĐENJE POLJOPRIVREDNOG ZEMLJIŠTA**

Prema ovom Programu, a u skladu sa Odlukom o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj: 5/15) sredstva se mogu koristiti samo za uređenje zapuštenog poljoprivrednog zemljišta i zemljišta slabijeg kvaliteta kojem se povećava plodnost i proizvodni potencijal.

Pravo na korištenje sredstava po osnovu ovog Programa imaju fizička i pravna lica, vlasnici poljoprivrednog zemljišta sa područja ovog Kantona, koji ispune uslove i kriterije propisane odredbama člana 2. stav (1) Odluke o korištenju sredstava prikupljenih od naknada za promjenu namjene poljoprivrednog zemljišta i Uputstva o korištenju sredstava za uređenje poljoprivrednog zemljišta prikupljenih od naknada za promjenu namjene poljoprivrednog zemljišta iz 2017. godine kojeg donosi Ministar. U skladu sa članom 84. Zakona o poljoprivrednom zemljištu („Službene novine Federacije BiH“, broj: 52/09) podnosioci zahtjeva program uređenja dostavljaju Federalnom ministarstvu poljoprivrede, vodoprivrede i šumarstva koje će provjeriti da li dostavljeni program ispunjava uslove iz Zakona o poljoprivrednom zemljištu („Službene novine Federacije BiH“, broj: 52/09) i izdati rješenje o odobravanju programa uređenja.

#### **V. REALIZACIJA PROGRAMA**

Program će se realizovati do kraja decembra 2017. godine.

Broj: 02-\_\_\_\_\_ /17.  
Datum, 23.03.2017. godine  
Zenica

**PREMIJER**

*Miralem Galijašević*

DOSTAVLJENO:

1x Ministarstvo za poljoprivredu, šumarstvo i vodoprivredu,  
1x Ministarstvo finansija,  
1x a/a.